

甯陽縣志卷二十四

藝文九

五言律詩

過汶河

文天祥

宋丞相詳見學
校從祀先儒

中原方萬里明日是重陽桑棗人家近蓬蒿客路長引

弓虛射雁失馬為尋獐

指南錄
作羊

見說今年早

指南錄
作旱

青

青麥未

指南錄
作又

秧

按此詩載文山集指南後錄第二
卷中題曰中原在發宿遷縣後望邳

州前另有汶陽道中詩及汶陽館詩皆九月十四日
作與此詩明日是重陽語不合因舊志登載姑仍之

甯陽縣志

卷之二十四

藝文
五律

一

王處士挽詩

處士名友直
見子賢傳

楊士奇

名寓以字行明泰和人建文初以史才
薦入翰林累官兵部尚書華蓋殿大學

士卒贈太
師諡文貞

舊業依洸汶青山面面開秋香凌五桂春色蔭三槐忽

斷黃梁夢深嗟玉樹埋馳恩看盛典遮莫下金階

堽城寫懷二首

堽卽剛字之譌
詳見古蹟志

李

鏞

字時器明湯陰人成化八
年進士累官工部尚書

草亭危坐久屈指計流年世態如翻掌時光似逝川固

難追已往胡不慮將然霽月光風趣高山仰昔賢

南風吹不歇桃杏正紅酣暮景旬將六春光月已三農
家修舊未織女視新蠶借問蛟龍雨何時起碧潭

前題步韻二首

張

橋

明雲南右衛人工部
分司主事見監司表

昔人經國計孤館構何年運脈延千里河流會百川韶

華忽暮矣風景尚依然我亦同袍者端居媿爾賢

梁石經流亂

舊譌
亂流

亭花映日酣窮源知有幾開徑尚留

三原廣偏宜麥桑柔可畜蠶涓流何所補委潤欲成潭

按明宏治中工部侍郎李鏊議築石梁
惟張橋為甯陽分司主事在嘉靖三十九年與李鏊

甯陽縣志

卷之二十四

藝文
五律

二

年代先後不合
殆追和前詩也

觀泉亭

詳吳
寬記

周

相

明鄆縣人舊
志云都御史

亭皋餘昔景山郭抱平湍泫露灑珠碎鳴琴丹竈寒戲

波翻綠藻憑檻俯青壇紆覽離愁暮晴煙天際殘

普照寺入憩

普照寺在
告山之陽

王正容

見前

寺古僧居少山深鳥路通村墟留廢井棗柿長新叢馬
繫招提樹涼生殿閣風征翰凋謝盡蔀屋幾家空

伏山洞次六泉韻

伏山即佛山見山川志六泉吳孟祺別號此詩舊志誤列薛瑄

今據翫亭詩稿改正

王正容

佛洞雲林拱禪關溪壑幽來尋真境寂如共此身浮杯
酒千巖晚霜華兩鬢秋焚修堪結社支許憶同遊

浩宇園亭小集

浩宇張登雲別字

張彝訓

見前

地迴輪蹠隔林遊鹿豕羣疏泉因灌竹移石為留雲綠
蟻飛花送金虬小玉焚壺中自日月何處謝塵氛

甯陽縣志

卷之二十四

藝文五律

三

西園山池對客懷吳彬卿總督

吳崇禮字彬卿見列傳

張登雲

見前

清溪堪把釣新旭墮籬東鳥學琴中韻客吟樹杪風揚
聆歌彩鷁倚檻數飛鴻徙倚崆峒上北門想寇公

贈朱續源之任壽州二守

朱東彥別字續源見前明三等貢錄

張登雲

新捧淮南檄天邊阜蓋臣政參五馬佐班滿八公春泉
吐珍珠顆祠清康樂塵

自注州有謝元廟

可分叢桂月遙餉避

秦人

送張浩宇分巡漢中

張三綱

明萬曆間
邑庠生

京兆思張敞河中借寇恂崑函元莽互華岳亦嶙峋五
月王程急三秦氣色新轅轅臨大路花雨自沾巾

巡淮陽中秋寄懷張大參

大參謂
登雲

吳崇禮

見前時方
為淮陽巡按

獨對淮南月思君千里情裴公還綠野謝傅繫蒼生花
酒足行樂山林且避名憐予歸未得何日話班荆

淮陽聞雁再柬張大參

甯陽縣志

卷之二十四

藝文
五律

四

吳崇禮

世事紛如麻浮生鬢有華朝朝身在客夜夜夢歸家驛
路驚聞雁王程眊及瓜美人千里隔念爾獨長嗟

題張參知園亭四首

錄二為登
雲日涉園作

吳崇禮

聞君新選勝結宇傍城邊三徑蠶塵遠孤亭景物偏分
流沿竹舍移石近芝田祇是耽林壑翩然弭節還
勝地開新構入門曲徑深疊山堪作障種竹欲成林翰
墨耽幽事琴尊愜素心驚人詩句好日不廢登臨

題瑞芝樓

樓在日涉園中

吳以諒

明邑人見良吏傳

博望封侯日為樓勢更雄捲簾遲皓月移榻醉光風瑤

草呈新瑞霜松結舊叢祇應寬酒戒孟浪謬談空

前題

吳崇美

明邑人見三等貢錄

元圃標靈異移根仙吏家香浮金掌露色動赤城霞三

秀昔稱瑞九莖今可嘉餐之堪駐貌不必問丹砂

吳柱史園亭

此詩當是崇禮服闋家居時作

甯陽縣志

卷之二十四

藝文五律

五

張周歷

明邑人見三等貢錄

背郭結茅屋開軒倚水涯臨流山簡第遠市子雲家掃

徑留花影編籬護筍芽蒼生還有望且莫戀煙霞

挽周甯章

周爰訪別字甯章見列傳

王崇簡

字敬哉宛平人明進士順治三年授內翰林國史院庶吉士官至禮部尚書

鬚髯留爽氣古貌見斯人海岳文章重圭璋氣象真百

年強半日萬事等輕塵寂寞經空館蕭蕭風正頻

殷孝子

注見前

朱體異

邑人見文學傳

嗟哉風木恨傍塚宛承顏黯黯黃墟側荒荒白草間
淚和愁雨溼鬢帶曉霜斑不住哀猿叫夕陽下遠山

渡汶水 增補

王士正 字貽上新城人順治十五年進士官至刑部尚書諡文簡爲國朝詩人之冠

泉流紛演漾爭繞汶陽田水碧明沙外山青玉鏡前
涼風起蘋末斜日冷溪煙鷗鷺吾憐汝菰蒲自在眠

前題

張元 字殿傳淄川人雍正丙午舉人魚臺縣教諭著有書香堂集

薄暮臨荒渡滔滔汶水流平沙遲落雁細雨送行舟
衰

甯陽縣志

卷之二十四

藝文五律

六

柳千林暗殘蘆兩岸秋南來重回首天際岱雲浮

晚抵汶河同友人月下小酌

張元

明月下晴川移尊斷岸邊遠村微見火極浦淡浮煙
何處鐘聲起悠然到客前臨風宜薄醉惆悵未應還

弔前邑侯李公之庚 注見前

甯鰲 邑人見良吏傳

偉哉殉國志齎恨未曾償但願金湯固何甘節義彰
青編無溢美白骨有餘香頑懦聞風起能爲烈士賜

甯山道中

顏紹嘒 曲阜人康熙間武生

車輪聲未歇但覺路途長日暮亂山紫天高遠樹黃橫
塘流水闊細礪野花香自笑栖栖客他鄉是故鄉

遊蟠龍玉洞 為邑八景之一

周宸佑 見前

疊嶂蟠龍似探奇此一過芒屨穿犖确藜杖引藤蘿穴
湧泉聲壯亭留日影多坐來添逸興空谷響樵歌

重登雪埠山 雪埠山見山川志

甯陽縣志

卷之二十四

藝文五律

七

周祚恆 邑人見篤行傳

振策凌風去重為雪埠遊樽開今日酒目斷去年秋舊
碣餘蒼蘚遙汀露白鷗鐘聲何處急百八起僧樓

石碣屯禪院對月作

周淑濂 邑人見篤行傳

雨過一襟秋涼煙市地流天低星在水夜靜月平樓宿
鳥僧俱寂寒花客共幽歐陽曾作賦清景足勾留

忠義祠謁高祖像 愈新高祖國棟見忠義傳

柳愈新 見前

祖德垂千載英風颯一朝乘城元誓死握節肯生逃忠
烈存青史褒章荷

聖朝深閨同日殞雙節轟煙霄

普照寺卽景

注見前

楊樹範

字圍亭乾隆間邑增生

我來普照寺山寂地逾偏犢散巖前草人開屋上田綠
楊黏宿雨紅杏破晴煙好是雙溪水無琴韻入絃

蟠龍玉洞

注見前

周鎔錦

見前

甯陽縣志

卷之二十四

藝文五律

八

雲氣吐還吞蟠龍舊跡存泉聲喧帝座磴道跨天門樹
古鱗皴瘦山春鳥語溫洞天莽寥闊何處問仙源
渡汶水

周鎔錦

一水分齊魯湯湯自古今山連青野闊風捲白沙深舟
小橫難渡鷗閒瘦不禁禹王遺廟在遙見柏蕭森

過張氏山莊

在杏嶺側一名杏山莊

周鎔錦

一騎雲中出青山送馬蹏霜林朝落果茅屋午嘑雞嵐

氣連村暗人家入望迷此間風土好相約把鋤犁

甯陽公署

占時將赴曲阜泗水查泉

吳 嶷

常熟人邑主簿見宦績傳

十日平原住聊爲洙泗行誰隣短主簿猶是舊諸生多
病身將隱中年心漸平殷勤問泉水幾見出山清

過西巖于處士

胡叔祥

見前

歷盡崕岬徑悠然見小村幽偏人迹少樸陋古風存澗
壑當窗落雲煙繞樹吞問津如有客子細認桃源

甯陽縣志

卷之二十四

藝文五律

九

悼胡對山二首

王玉衡

潁灝子字阿璿歲貢生

大梁分袂日惓惓若爲情千里傳消息三年隔死生葉
飛難返樹雲斷不知程何處人家笛愁看夕照橫
吾文難自信君死更誰知風雨飄零恨河山寂寞悲長
辭向泉路遺痛在孤兒後計難回首沈沈月影低

登三台山

見山川志

吳瀛洲

見前

傍午浮空翠登臨了俗緣漸從黃葉路轉上白雲巔樹

影遙分寺鐘聲近度泉凌風飄欲去眼底正茫然

雨霽登佛山

注見前

吳瀛洲

坐臥孤峯上清和四月時一天新抹翠百道亂交絲寺
壓松陰冷風梳麥浪遲山靈還有約未許外人知

南園偶成

南園詳南園記

周遠昌

見前

樹色翳城樓園開興轉幽黃花三徑月紅豆一籬秋果
熟經霜落星寒雜火流浮生渾若寄小住足勾留

甯陽縣志

卷之二十四

藝文五律

十

雲蓋寺晚眺

雲蓋寺見寺觀志

周遠昌

地寂禪棲靜清流繞寺門殘雲迷遠樹返照入孤村鳥
語蒼煙破碑文碧蘚吞遙看山脊上低月側金盆

山村

周遠昌

紅樹罨山村安居早閉門稅輸租吏少地僻野人尊風
俗無今古田廬長子孫息機真趣永疑是舊桃源

八景詩八首

黃恩彤

見前

雲山煙雨

無煩占礎潤翹首望雲山
山色空濛裏雲容晦靄間
輕疑籠佛髻重欲隱仙鬟
散作祁祁雨三農盡解顏

蟠龍玉洞

古剎仙都闕危峯鳥道盤
山環春早燠洞曲夏猶寒
懸瀑吟風籟平池舞雪湍
靈源冬不涸始信有龍蟠

杏嶺丹霏

難覓桃源路來看杏嶺花
四圍暗紅雨十里入丹霞
逐

甯陽縣志

卷之二十四

藝文
五律

十一

燕林逾密隨蜂徑轉賒山君
莫相畏雲外有仙家

激水轟雷

澗道阻崔巍驚濤撼石迴
乘風恣噴薄挾雨助喧逐
怒作豐隆吼聲先霹靂來
名泉推趵突端合讓轟雷

湯沸珠璣

何來珠百琲沸地作廉泉
明月波心印驪龍水底眠
龜魚驚怪瑋荇藻媚淪漣
羨汝能圓折臨流歎逝川

萬禩古槐

老幹半天綠亭亭偃蓋重
森纒翻翠鳳犖确蛻蒼龍
霜

雪憐心苦風雲護蔭濃大年延萬禩應不數秦松

虬枝歧柏

雙歧誇瑞麥虬柏更矜奇翠鬣連銅幹蒼髯傳鐵枝攬

挈鱗爪現摧剝雪霜知莫漫悲枯槁龍頭屬後期自注

枯而龍頭如故

禹碑虹渚

禹廟臨清汶蒼涼一片碑風雷猶擁護苔蘚半迷離水

落渴虹下天晴積雨垂自注常有水痕 字青兼石赤岫巉記

曾窺自注齋中藏有岫巉碑搨本

甯陽縣志

卷之二十四

藝文五律

十一

龍魚泉見諸泉志

黃恩彤

從龍雙派合共此一源清泉之來源土名上泉頭苻藻

搖春綠鳧鷗浴夏晴花繁池水曲草沒闕陵城自注在漢汶

陽故城懷古悲馮紹無人識姓名自注昔有高士馮紹

得雨而化故名龍魚泉明吳鵬詩所云馮紹源頭搆草

堂者是也又金譚公能吏碑後有馮召村當是紹字省

雪夜宿黃竹泉表弟書齋黃恩灝別字竹泉見文學傳

甯繼楨邑人字幹臣見五等貢錄

紙帳宜高臥宵深雪有光蘭缸寒更瘦蘆被淨偏涼竹
折人聲靜松高鶴夢長老梅應破凍早起賞孤芳

秋日渡汶水

周滂杭

遠昌四子字
楚颿邑諸生

此水獨西流湯湯送客舟劃分齊魯域浣盡古今秋雲
影隨帆去山光夾岸浮煙村歸牧晚笛韻落船頭

荔農

時田
別字

兄將之蜀賦此爲贈

續增

曹尊彝

字醴堂安邱縣人道光
甲辰進士刑部主事

仗策西南去前途自據鞍客懷殊浩蕩旅抱未艱難天

甯陽縣志

卷之二十四

藝文
五律

十三

遠蜀山兀秋高峽水寒知君定懷古遺蹟重盤桓

懷荔農

續增

曹尊彝

隔君數千里左右每神馳一自都門別關心少見期亂
山雞唱後孤燭夜殘時應有懷人夢遙過錦水涯

續修縣志脫藁感懷有作

續增

黃恩彤

一世恩恩度還將著席温殘年留賸跡往事待重論蠹
簡仍風葉鴻泥又雪痕愴懷舊同志祇有老夫存

浩劫逢庚歲身曾陷賊中風埃遮地黑煙燄焚天紅安
得祝公道頻逢夷長公

三次遇賊
幸未加害

餘生編外史灑墨弔

哀鴻

七言律詩

宿寶相寺

見寺觀志

趙弼

見前

西風騎馬叩禪林蒼徑逶迤鎖白雲寂寞長廊松作蓋
摧頽古塔蘚生紋空階積葉霜初下近郭清砧日半曛
便喜遠公能愛客清談不覺夜將分

王處士挽詩

處士注見前

楊榮

初名子榮字勉仁明建安人建文二年進士累官謹身殿大學士進工部尚書

卒贈太師諡文敏

甯陽縣志

卷之二十四

藝文七律

十五

六十年來事隱居清風高興重鄉閭一輪明月泚河水
萬卷青鐙闕里書社散香山人去後夢回華表鶴來初
鳳毛已喜飛騰早行見褒封賁墓廬

前題

楊

溥

字宏濟明石首人建文二年進士累官武英殿大學士卒贈太師諡文定

利祿無心老一廬清風高興到今傳書留架上三千卷
壽閱人間六十年東海鶴歸仙已逝南州士去榻空懸
鳳毛喜有賢京兆加贈行看下九天

送王京兆還甯陽

王賢為順天府尹

劉儼

字宣化明吉水人正統七年進士第一累官右春坊大學士掌翰林院事卒贈

禮部左侍郎諡文介

巍巍京兆倚鑾坡三輔如君世豈多九載滿來曾借寇
一官休去獨思何鄉山花發紅添錦春水舟回綠起波
嗣世功名知有託閒來滿酌且高歌

前題

余謙

舊志注云府丞履籍無考

京兆多年德望清懸車此日遂高情殷勤別酒都亭醉
蕩漾春風濟水行繞舍松篁存晚節候門稚子起歌聲

甯陽縣志

卷之二十四

藝文七律

十六

南山坐看雲舒卷始覺浮名一羽輕

寶相禪林

注見前

許彬

見前

真僧出定吼晨鐘聲度浮圖十二重貝葉翻風看有影
天花隨雨落無蹤開山誰見馱經虎棲鉢嘗聞聽法龍
千載焚修誰是主縣縣香火自春冬

洸濱垂釣

洸水注見前

許彬

坐釣洸濱記昔曾斜陽古渡碧澄澄一絲牽動波心月

兩手扳迴柳下罾漏網白魚猶假息得雲金鯉遂飛騰
一從脫卻羊裘去回首秋霜兩岸冰

汶陽春耕

汶陽見
沿革考

許彬

派出徂徠

應作
原山

赴濟西東風兩岸力田齊水邊宿潤雲

千頃隴上新晴雨一犁嘉種播來禾滿野陂田菑處稻

成畦勸農令尹侵晨出喜見兒童傍雉雞

靈山勝跡

靈山見
山川志

許彬

甯陽縣志

卷之二十四

藝文
七律

十七

巒岼形勝小崑崙北斗天高手可捫一道金繩開汲路
千年石虎護山門漫空法雨曇花落闔殿香風貝葉翻
疑有真人曾挂錫毘盧福地總堪論

朝元仙觀

在縣治南稍西久廢明天順
初卽故址建二老歸榮堂

許彬

朝元宮觀鬱嵯峨故老傳來事不磨寶殿珠樓從地起
丹光紫氣與天摩步虛聲裏真常降禮斗壇邊鶴自過
幾向斜陽尋舊跡半爲瓦礫半蔬禾

復聖古祠

見祠
宇志

薛瑄 見前

洙泗三千第一人至今遺廟汶河濱
香飄黼黻春光暖草長亭階化雨新
俎豆千年終是富簞瓢半世未爲貧
靜瞻遺像東風裏默默無言總道真

讀李陽冰石刻

見金石志

薛瑄

變化浮雲鳥跡非陽冰石刻尚依稀
鸞翔鳳翥形將動龍繞蛇纏勢欲飛
一代才華留琬璧千年風雨護珠璣
最憐絕妙當時筆朝野如何可並歸

甯陽縣志

卷之二十四

藝文七律

十八

洙河晚漲

薛瑄

車轉阿香過遠山洙河一夕漲漫漫
蛟龍出沒蒼茫裏鷗鳥浮沈杳靄間
浩歎每思臨逝水雄才長憶挽狂瀾
龍門曾躍波千丈會有風雲出迅湍

秋日汶水澄清

薛瑄

幾度西風老樹霜千年汶水自湯湯
晴雲舊譌倒浸玻璃影靜夜平分璧
月光把釣有人歌欸乃扣舷無曲和

滄浪沙鷗幾點閒來往只是機心久已忘

靈山雪霽

薛瑄

靈山雪罷凍無風萬谷千巖處處同
開徧梨花迷鳥戶
飛殘柳絮失樵蹤
鯨翻海浪高低白
日隱瑤臺遠近紅
正好吟詩懷杜甫
窗含西嶺句舊譌偏工

蛇眼清泉

見諸泉志

薛瑄

此水雖微舊有名
縈迴如帶繞孤城
細穿沙草三春綠

甯陽縣志

卷之二十四

藝文七律

十九

小浴銀蟾五夜明
曲折雅宜流玉罌
清泠還可濯塵纓
若爲借得風雲力
飛上長空作雨聲

杏嶺丹霏

薛瑄

東風先到杏山裏
吹得春花滿故枝
路繞翠微開錦繡
峯攢青黛著胭脂
林鶯喚客嘯偏久
野馬衝人散每遲
想是董仙家不遠
丹葩深處認茅茨

雲山煙雨

薛瑄

片石蒸雲出遠峯滿天甘雨曉濛濛千巖有喜嵐光嫩
一氣無私草木濃枯槁盡回殷相澤菁莪同化聖門功
花村柳徑清明後父老相逢說歲豐

二老歸榮堂詩

二老堂
注見前

李

賢

字原德明鄧州人宣德八年進士累官
吏部尚書華蓋殿大學士卒贈太師諡

達文

二公遭遇已非常歸老林泉歲月長仕路升沈端有數
鄉園容與信無妨山光水色情偏適酒興詩懷樂未央
天上故人頻極目也應清夢到巖廊

甯陽縣志

卷之二十四

藝文
七律

二十

前題

孔宏緒

孔子六十一世孫明
天順間襲封衍聖公

敷歷中朝五十年豐功偉績後人傳香山老去誰邀社
栗里歸來自有田杖策隴頭觀稼穡含飴膝下引曾元
童顏鶴髮肩輿出都道風流地上仙

贈邑令翟文冕考績

翟弁字文冕
見宦績傳

王

賢

邑人見
列傳

鄉榜掄魁自昔年銅章出宰沐恩偏金門報政瞻龍袞
玉陛辭朝惹御煙童稚候轅聯竹馬吏民向化感蒲鞭

到官訟簡無餘事清興從知付五絃

汶水孤石

喬宇

字希大明樂平人成化十二年進士累官吏部尚書卒贈少傅諡莊簡

數丈巉巉白浪中飽經溪上雨和風潮平敢謂君山比

舊諷北

瀾倒終慚砥柱同近水田園秋漸熟濟川舟楫我

何功兗州貢道曾浮汶欲究當年禹鑿功

朝元仙觀

周崇

明天台人教諭見秩官表

傳聞仙閣此中開碧瓦朱欄照玉臺一自真人乘鶴去

甯陽縣志

卷之二十四

藝文七律

二十一

空餘紅杏領春來靈光舊跡迷芳草戲馬頽垣有劫灰
今古廢興皆物理州人何用獨悲哀

龍魚泉

注見前

吳鵬

明秀水人見宦績傳

馮紹源頭構草堂一塵不到午風涼雷轟墨跡驚龍壁
月護松巢近鶴牀三五人家村落遠幾多雲樹野花香
乘龍人去今何在依舊山高與水長

青川驛有懷張水部

青川驛見馬政志張水部名文鳳見監司表

胡纘宗

明秦安人嘉靖間為山東巡撫又為河漕總督此必其為總督時作纘宗督河

漕在嘉靖十六年後以時考之則知張水部當是文鳳

青川驛邊青欲浮原泉汨汨下丹邱
徂徠翠竹娟娟淨
泰岱蒼雲嫋嫋流不雨一春紛作惡
無禾六月夏添愁
獨憐水部張公子寄我瑤篇亦未酬

送甯陽徐令君入覲
徐令君名汝冀見秩官表

于慎行
字無垢明東阿人隆慶二年進士累官禮部尚書東閣大學士卒諡文定

魯道謳歌擁畫筵東侯奉璧
舊作千騎 遠朝
舊調期 天仙鳥影

集舊調 追班地神爵祥徵奏最年別日雪銷
舊作去棠陰 梁

父社歸來花發
舊作樹 汶陽川承恩莫拜黃金賜請為餘

甯陽縣志

卷之二十四

藝文七律

二十二

民折稅
舊缺二字今補 錢
此詩見本集

堠城懷古

王正容
見前

荒城寂寞枕長河匹馬西風此一過
故壘秋深殺氣重
高臺日暮野煙多爭傳殿宇誇梁宋
忍見邱墟蔓薛蘿
悵望不堪嗟往事空餘山色映寒波

贈尹明府擢秋曹
尹校由邑令擢刑部主事見宦績傳

王正容
舊志誤列王賢年代相去甚遠今按翥亭詩稿更正

山城半載藉餘輝光祿勳名重帝畿
鶴影更同來日瘦

棠陰爭似去年肥豸冠舊擬冰霜面鳳闕重瞻日月輝
弼教久虛司寇席雙鳧還向五雲飛

二老堂

用王越
原韻

王正容

共承優詔解朝簪堂構城隅草樹深德政幾年留輦轂
文章當代重詞林箕裘世美慚難續泉石風流會有吟
想像芳時游燕處應同疏傅散黃金

贈別吳侍御還朝

此崇禮內擢
御史時作

張登雲

見前

甯陽縣志

卷之二十四

藝文
七律

二十三

離筵倩鳥喚提壺霜幟高懸入帝都揮手紅亭驄轡遠
逃名白社客星孤風迴繡影搖金殿香襲楓宸醉御醕
急副法宮霖雨望披囊首上流民圖

崇禮果有
災賑一疏

奉答吳侍御巡浙見憶之作

吳詩
見後

張登雲

芙蓉劍倚越江天使者威名北斗懸臺柏千尋霄漢立

湖波萬頃錦雲連茅齋卽下延徐榻

自注來詩有懸
榻句因及之
繡

斧何來訪戴船引領三潭秋夜月清輝遙餉汶陽田

賀吳葵田同知京縣

吳以諒字葵田見良
吏傳時爲上元縣丞

張登雲

銀艾班聯鴈鷺羣仙郎伏謁聖明君
案香獨捧紅雲渺
掌露雙含玉樹芬
蘭蕙林中占鳳翥
竹槐庭畔起龍雯
邦畿切莫嘲晴雨
馬骨高標應斗文

秋興八首

和杜韻

張登雲

碧岑花霧靄雲林
遶檻千章灌木森
絕徼自慚無寸補
老懷猶爾惜分陰
從知陋巷簞瓢樂
不盡江湖魏闕心
便欲銜杯頻擊筑
可禁霜月起寒砧

甯陽縣志

卷之二十四

藝文
七律

二十四

極目晴雲入望斜
試將牛斗問張華
十年久卸金閨夢
萬里虛瞻銀漢槎
捫蝨蝸廬搔短鬢
傷心龍塞咽清笳
小山叢桂何由訊
惟向溪頭嗅野花

拄笏憑欄對夕暉
遙思天柱見知微
卽看暝鷺凌煙渺
長憶神龍夾日飛
入定自同僧有髮
息機直與世相違
解弢墮裘無餘事
得意山雌秋正肥

空亭天闊坐彈棊
那作清秋宋玉悲
茗葉鑪香棲跡地
蓼風葭露爽襟時
桑樞匿影希蟬蛻
花塢留賓窺蟻遲
莫訝謝鯤推庾亮
置身邱壑有遐思

沈冥雲臥有東山遙睇方壺縹緲間
水木洞深秋更敞蓬蒿門在畫長關
詩從香社愜幽賞酒倩白衣啟笑顏
更欲乘風凌帝闕憑虛遐舉廁仙班

黃金已盡大刀頭淚水迴翔歷九秋
司馬無能蘇病骨虞卿何以慰窮愁
松壇蘭阪堪吟月鳧渚鶴汀可狎鷗
泉石煙霞成痼疾元纁應不到南州

曾馳遼左歎無功元菟白狼在眼中
遼刺黃龍列紫嶂羸馘塞馬嘶悲風
登陣處處烽煙黑橫草離離戰血紅
激烈壯懷今已矣車渠曛旭對鄰翁

甯陽縣志

卷之二十四

藝文
七律

二十五

岱宗插漢碧逶迤洙泗縈迴萬頃陂
倚劍昔探猛虎穴倦遊今借鷓鴣枝
蓴鱸張翰歸應早松菊陶潛志不移
擬報君恩頻北望五雲深處袞衣垂

贈別張府尹入覲

登雲守鳳
陽時作

邢侗

字子愿明臨邑人萬曆二年
進士累官陝西行太僕卿

鳴珂此去建章宮裊裊垂楊驛路中
臺上黃金仍購駿天邊龍劍久成虹
漫誇屏翰周方伯快覩鈞衡漢上公
一曲驪歌成遠別相看莫遣酒杯空

浙中得張大參書見懷有感

吳崇禮

見前

風塵歧路幾經年
雙鯉誰將尺素傳
昔日歌驪曾舉白
何時揮塵共談元
思君又見三春暮
遲我遙知一榻懸
自笑浮名還自誤
不如平子賦歸田

張大參以詩見憶次韻卻寄

吳崇禮

遼海當年早挂弓
歸來心事付冥鴻
松軒憶我情偏渥
草閣知君興不空
恨別愁看宵月白
感懷悵望夕陽紅
瑤章千里遙相贈
讀罷令人意欲東

甯陽縣志

卷之二十四

藝文
七律

二十六

飲張憲使葵心亭

吳崇禮

朱明池閣畫闌千
八面玲瓏五月寒
倚檻穠花迎客笑
巡檐幽鶴怪人看
坐深沈頓追河朔
興到豪吟擬建安
此夕清香清不耐
應陪乘月泛煙瀾

登明秀臺

在日涉
園中

吳崇禮

明秀臺空四望開
水光山色共徘徊
數拳地湧蓮峯出
萬斛清分玉鏡來
入耳時禽雜佩響
連雲古木傍城栽

不妨登覽成佳會詩滿奚囊酒滿杯

西甯歌 有序

周紹業 邑人見科目表並良吏傳

海虜二萬騎突抵西甯城下觀察張公 登雲 大開城

門單騎出關詰虜來意虜相顧驚駭云錯走路耳遂

引去

鈴閣重瞻頗牧才湟門闔令肅風雷片言氣壓三軍銳
單騎風生萬虜摧卽有犬羊驚晝起更無狐兔渡河來
長裾擬佩封侯印燿朗勳名照上台

甯陽縣志

卷之二十四

藝文七律

二十七

瑞芝樓 注見前

朱頤牆 明魯藩宗室襲封將軍

仙人元自好樓居投紱歸來漫著書窗擁黃雲生瑞草
檻飛紫氣映霞裾元都桃萼渾無賴玉井蓮花迴不如
莫道商山深處隱卽看丹詔出徵車

張遼海日涉園和韻 登雲曾爲遼海道

朱永思 字則虞邑人見三等貢錄

入從名嶽向平遊最好東籬元亮秋此日雲深勾漏竈
當年石壓鬱林舟十千酒美交情洽百尺樓高眼界收

自是客星貪釣渚無言飛將未封侯

張遼海暑日水閣招飲依韻簡謝仄韻

朱永思

冥心不覺幡風動兀坐都忘身世空那必築臺起臥龍
儘教狂客歌衰鳳半窗喜伴羲皇人十斗全消蕉鹿夢
六月城陰草閣涼長松怪石瑤琴弄

過張大參名園

柴復貞明江山人
靈璧訓導

不辭遠道雪紛紛駐馬名園侍隱君曲徑往來惟鶴鹿

甯陽縣志

卷之二十四藝文
七律

二十八

終朝吐納只煙雲鑪邊太乙傳金訣架上天丁護秘文
媿我老為塵俗士豈堪入座挹清芬

珠璣泉注見
前

張周歷見前

誰把摩尼浪裏彈一泓深處累冰丸虛疑老蚌生滄海
似有靈蛇照廣寒斷續波心添箇箇滅明水面轉盤盤
探元罔象如相問試向源頭縱目看

明邑侯李公之庚
殉難
注見
前

吳欲達見前

鎖鑰曾誇魯北門可憐何處弔英魂青燐夜哭溪頭水

自注公盡節處
在南郭外溪上

白鶴朝翔郭外村已破金湯應有恨便

隨弓劍又何冤

白注公以壬午殉難越二年
甲申而明亡思宗死社稷

於今

盛代彰崇報歲歲宮牆奠一尊

周孝子

注見前

劉

槃

邑人見
良吏傳

壟樹蕭蕭起暮風九京有路夢魂通可憐號泣荒山徑
何似瞻依半畝宮水咽長河聲慘切月過高塚色朦朧
思親血淚沾芳草染作嘸鵑一片紅

甯陽縣志

卷之二十四

藝文
七律

二十九

懷舊詩四首

程鳴岐

見前

業師孫克大先生

孫繼昌字克
大見文學傳

鄰鷄唱早暗心驚髣髴如聞金石聲

自注先生在館雞
鳴起讀率以為常

花雨溪堂春滿座雪風樽酒夜三更早知攜鹿歸元圃

恨不騎龍上赤城遲採遺文為續傳

自注邑乘為
先生傳甚略

白頭

哭殺老門生

家兄鶴村先生

自注善飲喜弈富於文而不
自收拾按鶴村名鳴皋

落日西風一雁鳴蕭條滿目愴中情藏書蠹卻神仙字

自注家多藏書醫藥仙經亦
千百卷兄歿後蕩然幾盡
賭墅荒涼國士枰壽世尙

餘文不老人間惟有酒長生
可堪淒絕難迴首宛在茅

檐虛牖撐自注兄書屋名宛在
居近惟一牖卓壁間

姻伯劉碩谷先生劉槃字碩谷
見良吏傳

紫面虬髯動

至尊九重親拜霽顏温汾陽吏績清風繼自注先生判汾州
先叔曾祖曾爲其

地刺史夔府孤城落日昏自注卒於夔
州官署中快接桂庭憑上座

香分蘭語拔文藩平生風義兼師友自注義
山句蕪賦爭招

詞客魂

甯陽縣志

卷之二十四

藝文
七律

三十

表兄吳行可先生吳欲達字行
可見文學傳

門前不見攝威儀屏上猶留舊小詩
工妙如參中晚格

唱酬卻憶十年時水流山峙人何在
月白風清夜祇思

雜體於今空擬徧可能容易得鍾期

中成子王適祖別號中
成子見隱逸傳

程鳴岐

青衿脫卻舊生衣直向人間說息機
緱氏笙歌邀月奏

叩都雞犬入雲飛碎金一片留安石自注京兆王氏
裔先祖識其碑少

鶴千年化令威借問向來晴雨卜何如
蜀市下簾歸

禹廟龍頭柏

即虬枝柏

次和郭純亭

程鳴岐

神龍不合人相習怪底蒼然老樹頭
宛似飛來絳郊日
矯如鑿破孟門秋露牙含霧晴猶溼
風爪拏雲夜不收
莫是明王親捉得相隨到處鎮安流

甲申

是年爲乾隆二十九年

龍魚泉館中七夕感懷

二首

柳繼禋

邑人見文學傳

令節誰家勸舉觴
可堪蓮萼自裳裳
晚雲不逐金梭冷
曉漏纔分玉宇涼
罄浥天漿酣報穀
淡舒纖月照流黃

甯陽縣志

卷之二十四

藝文七律

三十一

乍晴肯否來青使
莫負殷勤綻九光
共指崑光接漢庭
茫茫海氣帶雲腥
鵲翻掌露凝秋色
蟾挂櫺軒點畫屏
有客敲殘新霽月
何人目斷隔行星
巧樓應許文壇借
錦製繽紛逗眼青

題山人于聖鄰

士遜

園居

自注山人善琴工畫居彩山西麓

周宸佑

見前

灑脫襟懷地自偏
名園位置幾經年
滿庭花鳥添詩思
四壁溪山作畫傳
消受清風堪悟道
招邀明月宛登仙
欣逢元亮開三徑
欲撫瑤琴已輟絃

偶至南村留飲

周宸軾

珩子字式憑雍
正中邑增生

簇簇林亭近日斜，溪橋南畔有人家。
村邊濃淡春前柳，籬外參差雨後花。
野味漫烹羅雜俎，山泉試汲煮新茶。
主人情重堅留客，遊屐遲停待月華。

東山草堂尋友醉後作

周宸軾

羨君風味足林泉，每憶高蹤數舉鞭。
嶺樹雲封三徑外，草堂路轉百花前。
簾篩新月重來日，壁閱殘詩又隔年。

甯陽縣志

卷之二十四

藝文
七律

三十一

樽酒歡留歸未得，放懷醉倒北窗眠。

己卯新秋寶興

張述孔

乾隆間邑令
見宦績傳

桂子香飄月殿開，賢人奎聚映金臺。
擬經舊識懷蛟夢，獻賦新看倚馬才。
瑞靄五雲飛蚤露，祥從八月起春雷。
曲江晏罷宮袍紫，踏遍天街得意回。

題石雲觀

張述孔

閒來小憩石雲觀，貝影曇花靜裏看。
漫拂征塵學打坐，

爲憐淨土一登壇癡僧補衲石牀瘦老鶴巢松古木寒
迴首滄桑空六界卻羞金紫懶攀鞍

留別周敘九徵士

周丙範字敘九見前

詹 堅

安邑人邑令見秩官表

恩恩行色整歸輪縮綬龔城閱六春治媿鳴琴循績少
詩吟陟岵淚痕新

時以外艱去官

投瓊快得乘時彥念舊難忘

臥轍人雲樹蒼茫重回首肯教遠道阻音塵

楊貞女墓下作

貞女見列女傳

柳愈新

見前

甯陽縣志

卷之二十四

藝文七律

三十三

柏舟一逝擲餘生理骨荒原草亦馨九地同歸完女德
三年敬養慰親庭英風落落輸巾幗苦節昭昭炳日星
連理枝頭雙戢翼月明夜夜哭冬青

重修金羊山寺落成

金羊山見山川志

周丙範

見前

靈巖仙蹟肇嘉名束筍峯巒畫不成梵唄遙聞雲蓋寺
樵蘇近入魯侯城晴煙濃淡連村合古木參差繞殿平
一自老僧飛錫去溪流朝暮咽鐘聲

八景詩八首

甯 訥 見前

雲山煙雨

縹緲空山一段雲雨暘潛向此中分飛來亂點珠璣屑

掃去平揩錦繡文蛇水波添宜網罟自注甯陽於兩漢南宋北魏俱有蛇

邱之名春秋定十三年築蛇淵園水經注蛇水西經鑄鄉城按鑄國今屬甯陽肥城兩縣地今之蛇眼泉或即

蛇水又眼 龜陰田渥任耕耘自注甯陽有龜山以形得淵聲相近

鄆謹龜陰田謹今為甯陽地山陰之田至今號沃土焉按訥以蛇眼泉為蛇淵園龜山為龜陰田又云謹在

今甯陽地皆未 誰誰鳳集高岡上紉縵光中播遠聞深考不足據

蟠龍玉洞

甯陽縣志

卷之二十四

藝文七律

三十四

鳳嶺之陰虎埠陽蟠龍山勢踞中央煙蕕古洞千年黑

壁挂飛泉一脈長勵士亭空蔓蘿薜譚經屋冷掩松篁

自注由洞西折而北無徑可尋攀藤附葛鳥道而上有怪石相抵觸中可方丈相傳有王翁者與朱建寰父子

譚經於此至今 紫薇當夏繁開處一朵紅雲捧玉皇自注

蘇句洞一名玉皇洞

杏嶺丹霏

杏嶺花開別樣新畫中林麓畫中人烘成春色三分足

點破山光一抹勻亂蹴東風隨燕嘴輕含宿雨染猩脣

仙區即在人間世底事桃源苦問津

激水轟雷

飛泉一道走湍沖，片石當流砥柱同。
遊客爭詢雷起處，山僧笑指水聲中。
虺虺未許收冬日，號號偏能徹霽空。
知有神魚將化去，天工早爲命靈窿。

湯沸珠璣

驪龍睡起廠靈關，亂瀉珍珠沸水間。
圓走玉盤交錯落，光分銀漢弄潺湲。
直疑昨夜鮫人別，酷似當時合浦還。
有客濯纓映清碧，幾回吟賞趣閑閑。

萬禩古槐

高柯突兀插雲端，根作龍蛇夾道盤。
雷電未經周代拔，斧斨幸免夏王刊。
八千歲軼莊椿數，四十圍同蜀柏看。
若大午陰消夏好，天風蕭颯不勝寒。

虯枝歧柏

鞭起重淵久睡驪，昂然化作樹頭枝。
懸知大廈掄材日，合是飛龍利見時。
拍岸波濤驚蜿蟺，漫空煙雨認迷離。
由來神物難窺度，杖擲梭騰未足奇。

禹碑虹渚

古廟丹青臨汶渚，豐碑屹立向庭隅。
長虹橫亘蛟龍窟，

積雨斜侵鬣屨，
峽岵嶮奇文徒髣髴。
至元殘蹟半模糊，
元世祖至元二十年都水少監馬之貞始於汶水作雙虹懸門故曰虹渚
雲水微茫入畫圖。
我來小立迴廊上

魯義姑姊廟懷古

王培清 字源澄嘉慶間邑人

姑姊當年遇戰爭，
蒼黃不負託孤兄。
非緣公義同山重，
肯割私恩等羽輕。
藐藐一身存弱國，
恩恩數語卻雄兵。
千秋自有英風在，
何事人間問姓名。

普照寺題壁

甯陽縣志

卷之二十四

藝文七律

三十六

楊弓錫 字彤一嘉慶間邑諸生

深谷茅菴陡地逢，
石欄曲徑野雲封。
半林影射清溪月，
萬壑聲連曉寺鐘。
偶聽樵歌音嫋嫋，
閒尋僧語話喁喁。
興來仍欲登高望，
直上蟠龍第一峯。

重遊大明湖別家弟鳳皆 鳳皆注見前

周百順 見前

倚棹明湖續舊遊，
藕花已過荻花秋。
泉聲亂湧遙歸寺，
山色平分半入樓。
鴻跡十年皆漫漶，
雁行八月正夷猶。
對牀前約君須記，
惆悵西風囑子由。

暮春看耕

周遠瑞

邑人見
文學傳

野外雲容柳外煙
郊行好趁豔陽天
維魚預卜連宵夢
叱犢偏宜近郭田
十畝綠苔春水闊
一林紅雨杏花妍
者番領略農家趣
筮笠青蓑亦散仙

秋日家慰楠翁

名秉
安

招飲

周遠瑞

心遠由來地自偏
兩村斷處接風煙
新詩每寄黃花後
離緒偏增白雁前
漸改容顏成老輩
相親臭味已多年

甯陽縣志

卷之二十四

藝文
七律

三十七

名山有約同遊賞
看瀉詞源萬斛泉

夏初過南園贈周鳳卜表兄四首

有序
周遠昌
字鳳卜
見前

黃恩霽

見前

南園本張氏日涉園
舊址李農部葺而治之
農部歿園已就荒
鳳卜略加補繕
嘯歌其中意境清曠
暇日過訪感懷有作

紅塵漸遠綠雲平
不是山林跡已清
繞郭嵐光歸戶牖
連村樹色暗檐楹
菜畦深處藏花塢
蘿徑行來覆荳棚
好是棟風梅雨後
隔牆聽放轆轤聲

三徑無端已就荒沿階碧草爲誰芳依然楊柳垂千縷
牘有梨桃粲兩行蛛網罨塵懸曲檻燕泥帶雨滿空梁
當時彷彿南皮會不是同遊亦斷腸

陶令歸來更卜居每逢佳處便軒渠頓教寂寞通人境
爲愛清閒讀道書灌木橫窗隨意翦叢蒿滿地帶經鋤
小園自昔誰真賞留待蘭成作賦餘

當年蠟屐未經過今日尋幽拂薜蘿小聚可能成雅集
有人端似在山阿閒居且續黃門賦招隱欣聞楚客歌
檢點茶鐺與詩卷偕君長日共吟哦

甯陽縣志

卷之二十四

藝文
七律

三十八

春杪登鶴山

見山
川志

吳瀛洲

見前

跨鶴重來是也非欲尋前事秘書稀三峯曲折煙霞路
萬井迴環錦繡圍墨蝶穿花迷古洞

自注山多黑蝶有
虎洞相傳洞中甚

奇無敢入者余引
火入洞一無所見

蒼麟臥塚黯斜暉

自注山之西
有麒麟塚

舉頭

忽覺浮天外大地山河快指揮

重遊汶水

黃恩彤

見前

三十年前此釣遊歸來又泛木蘭舟沙明似雪天然岸

自注汶河南岸
有天然沙隄

水靜無風自在流
藻下閒行魚掉尾
苔

邊穩睡鷺垂頭不堪
江海重回首十丈
朦朧萬斛愁

重遊珠璣泉

黃恩彤

珠江留滯我何堪
快試璇源一勺甘
萬斛不關靈蚌孕
九淵疑向睡驪探
光分桂魄生元夜
露點荷衣走碧潭
偶把文竿弄清泚
空攜魚目壓輕籃

送黃竹泉表弟明府需次蜀中

竹泉注
見前

甯繼楨 見前

甯陽縣志

卷之二十四

藝文
七律

三十九

劍閣橫雲驛路開
使君叱馭自東來
鴻儀預兆三刀夢
鳳翥原非百里才
弔古欲摩諸葛壘
尋詩應憶少陵臺
棠陰栽徧歸來後
再訪柴桑盡醉回

喜得甯時田川中書賦答

續增

黃恩濤

曾共芸窗賦子虛
忽從劍外落雙魚
廿年早證三生石
萬里遙傳一紙書
且喜迷津從可問
時予亦以縣
令發往四川
劇憐衰鬢漸非初
明春花發城如錦
知否行旌肯待予
計予到川

君應
赴任

秋日西村晚歸

周澇松

遠昌長子字
固僑邑諸生

西風緩緩認歸途
潑眼秋光入畫圖
鴉背殘陽紅葉下
雁聲遠浦白蘋孤
疎煙壓擔逢樵侶
多稼登場話穡夫
遙指蓬門欣在望
循陔愛日足歡娛

南岡閒眺

周澇杭

見前

三面青山水一溪
人家茅屋冒煙迷
天垂雲影全遮寺
風送楊花半撲隄
燕子飛來春欲暮
杜鵑叫破日初低
甯陽縣志
卷之二十四
藝文
七律
四十
芒屨踏碎蒼苔路
蝸篆蟲文費品題

夏日遊蟠龍玉洞

注見前

周澇桐

邑人字霽園
見五等貢錄

山複溪迴路轉深
不因梅暑廢幽尋
時看樵屐穿雲磴
爲愛藤蘿席地陰
遠樹如煙濃潑墨
小亭臨水靜宜琴
吟鞭莫訝歸來晚
恰受清風滿葛襟

南園

注見前

周澇桐

司農別館背城開
疊石分花手自栽
老樹團雲容几席

遙山入畫補樓臺詩成招隱歸田早客愛尋幽載酒來
莫把春光輕放卻掩關永晝足徘徊

再過南園

周澆

門繞松蘿徑掩蓬名園重過百花叢依然芳草疎簾外
都付鶯聲細雨中待月歸途須緩緩尋春前度太恩恩
雪泥鴻爪皆陳迹掃壁題詩喚短僮

新春懷同學小山族兄續增

劉添齡字夢錫
邑諸生

甯陽縣志

卷之二十四

藝文
七律

四十一

夢醒池塘草欲青春來頻使客魂驚芸窗共硯誰賓主
茅舍聯牀有弟兄翦燭如當聽雨夜開編猶憶讀書聲
寸心無限相思語恐到逢時說不成

過重構日涉園有序
重增

黃恩彤

春日赴葛石山村幹堂賢姪坦留宿日涉園中令叔

翰池親家復出藏酒招飲因成長句四律寄贈張金藻字

翰池見篤行張百
貞字幹堂監生

咫尺東山撲面迎抱村沙水鑿眉清樓臺前劣盤雲出

花竹鬢髮射日明深巷綠陰閒繫馬小亭紅雨靜聞鶯

誰知仲蔚蓬蒿徑繡谷都憑意匠成

幹堂於荒地
建宅闢園

名園曰涉寄遐心堂構今看屬竹林

君家先人副使公
曾於城南築日涉

園池館極一時之勝今
園仍名曰涉紹祖業也

坳水東西雙礪合拳峯南北四

山深

幹堂叔姪以東西
兩園合而為一

池臺恍覩平泉舊松菊還從栗

里尋

日涉取歸去
來辭句意

二百年來陵谷變依然葛石蔚雲岑

副使有葛石
山房詩刻

吳越清遊亦壯哉老專一壑念難灰默思亭館從頭數

縮取湖山人眼來

幹堂隨翰池曾為吳越之遊今
園中山池臺榭多仿南中小景

紉蕙

甯陽縣志

卷之二十四

藝文
七律

又四十一之一

摹蘭詩興遠流丹聳翠畫圖開

幹堂工
於繪事

不須更作江南

夢瀕洞煙塵首怕回

我來又在此山中一榻何嫌借長公倚竹晚宜風料峭

別花曉趁日曛曛十年話舊憐衰白今夕尋歡發醉紅

自笑蘭成空作賦小園燕麥舞東風

前題和韻

有
序
重
增

董春卿

字蘭溪見
官師表

昨遊張翰池明經日涉園見其山石花木位置不俗

歸署後勉成俚句謹步 石琴黃中丞原韻寄呈

一路風塵互送迎
昨宵難得夢魂清
到門闔寂神先爽
對景蕭閒眼倍明
案設奇文懷素友
徑栽嘉樹待遷鶯
知君胸有天然趣
妝點林巒畫不成

弄月吟風證道心
籍咸各占好園林
松排疊嶂分高下
花映層軒孰淺深
勝景欣看雙美合
仙源未許外人尋
幾生修得清閒福
羨煞莓苔共一岑

山林蔥鬱氣佳哉
到此名心付冷灰
看竹恰當疎雨過
聽松喜得好風來
錦囊篇什停杯賞
玉軸丹青爲客開
半晌勾留聊避俗
日斜車馬尙遲回

甯陽縣志

卷之二十四

藝文
七律

又四十一之二

余家舊墅碧流中
桃柳扶疎擬白公
宦迹幾經年荏苒
故園每憶日瞳矓
髻飄殘雪星星白
衣染征塵點點紅
解綬初心何日遂
小軒靜對愧高風

五言絕句詩

洸濱垂釣

黃正色 見前

樹杪餘殘照絲綸尙爾垂羊裘今已矣後載待阿誰

汶陽春耕

黃正色

趁翻二月雨不避五更寒天府食租者安知稼穡難

舊志以此二詩附許彬詩後似是和作但正色與彬相去年代頗遠或後輩追和邪

青川夜酌 青川注見前

甯陽縣志

卷之二十四

藝文五絕

四十二

黃正色

驛邸停駢夜淒清興寂然村籊遙醉月傾倒不知眠

蛇眼泉閒眺二首 蛇眼泉注見前

劉枋格 見前

流水繞城曲荒原淡夕陽喬松餘古意曾記讀書堂

自注地爲邑人程鳳洲先生讀書處屋宇圯矣青松猶茂

亂柳低拂泉日高不受暑披襟坐清風欲共幽禽語

山居

李克敏 見前

倚檐聽鶴唳入室理素琴空山無人問獨抱千古心

雨後小憩白雲山中

吳瀛洲 見前

大小白雲山兩峯淨如洗古柏風颼颼泉鳴深澗底

鳳凰 明天順時鳳鳴雲山見宦績翟弁傳

黃恩彤 見前

千仞翱翔下爭云覽德輝當年潁川郡數見鳳凰飛

麒麟 見岳濬疏

黃恩彤

甯陽縣志

卷之二十四

藝文五絕

四十三

角趾徵圖畫

天顏帶笑看同民靈囿大好共鹿盤桓

古剛城 注見前

黃恩彤

草沒誰家壘煙迷何處樓 相傳有梳粧樓舊址 無情清汶水嗚咽

背城流

七言絕句詩

魯義姑姊三首

義姑姊
注見前

王賢 見前

抱姪攜兒避草萊
倉皇奔遞轉堪哀
若非齊將聞言退
誰見加恩魯使來

南義村前憶昔過
斷碑荒塚倚巖阿
年年香火無人管
惟有山樵野鳥歌

海內都聞魯義姑
至今遺廟暗平蕪
表章幸賴名公筆
褒德旌賢是所圖

此賢欲表章義姑而
先以三詩作初唱也

甯陽縣志

卷之二十四

藝文
七絕

四十四

渡汶阻雨

喬宇 見前

九峯南望碧嵯峨
汶水平添一丈波
渡口客來休便過
北溪山雨正滂沱

堙城懷古 堙城注
見前

王謳 見前

故城廢闢依然在
千古興亡但劫灰
一種傷心何處切
西風空上釣魚臺

榮華翳世卻消除
秦漢關中恨有餘
滿目山河風日暮

曾留太史一行書

寶相禪林

注見前

矯九高

明汾陽人進士
兗州府推官

馱經有虎開山至聽法之猿初地來今日佛場同闐寂
人間刼代幾寒灰

朝元仙觀

矯九高

朝元仙人去何所世人指點朝元宮欲學安期從此往
海天無翼駕長風

甯陽縣志

卷之二十四

藝文
七絕

四十五

宿南義公館

見館舍志

李遜學

明上蔡人
提學道

繩牀竹簟護紗紅暑氣潛消綠樹風暫息煩囂清不寐
半輪明月鎖窗東

邀六泉

注見前

王正容

見前

新秋喜見鵝頭清丙子仙漿舊有名
壺偕笑語共邀明月坐深更

自注丙子
余家酒名

花下一

出郊訪隱者

王正容

樹暗平林小徑斜
溪山遠近野人家
竹籬茅屋渾相似
何處桃源路轉賒

明秀臺

注見前

張登雲

見前

山花水蔓抱危臺
朵朵商量次第開
聒耳正嫌百舌鳥
馴鷗恰就主人來

憶詩友朱則虞

永思字

張登雲

甯陽縣志

卷之二十四

藝文七絕

四十六

才情酷似魯朱家
庾鮑當年未足誇
乞作西湖詩社長
閒敲新句賞春華

遙憶吳司馬

此詩作於萬曆四十七年蓋崇禮是時以總督兼兵部尚書

張登雲

春風想已到邊城
澹蕩煙裝細柳營
閒卻西園張處士
十年辛苦老彬卿

庚申

萬曆四十八年

元日試筆

張登雲

沙塞常驚獵火紅
半生戎馬走西東
圓靈應有乘除算

佚我殘軀邱壑中

渡汶河

謝肇淛

字在杭明長樂人累官廣西左布政使萬曆時為東昌府推官

霜飛月落野雞嘒霧鎖長林水拍隄夾岸人家寒未起
孤舟已過汶河西

春日泝汶河作

謝肇淛

東風殘雪繫蘭橈滿目山川對寂寥記得門前春水滿
美人蕉壓赤欄橋

甯陽縣志

卷之二十四

藝文七絕

四十七

張參知西園池上

參知謂登雲

吳崇禮

見前

薰風拂柳水平池蘭槳輕搖畫舫移坐愛晚涼新月上
笙歌聲裏醉金卮

周孝子

注見前

周

果

邑人見篤行傳

風雨哀號泣鬼神重泉無路拜雙親可憐匍匐墳前者
猶是北堂問寢人

前題

許養善

康熙中
邑庠生

黃昏風雨拜孤墳
夢寐依稀對二親
猶向重泉勤問視
那知號泣已三春

秋齋卽景

周宸佑

見前

庭餘綠竹輕敲玉砌
遶黃花小綻金環
堵蕭然無客過
清風明月助長吟

秋夜吟

周宸佑

甯陽縣志

卷之二十四

藝文
七絕

四十八

淡雲疏雨點清光
颯颯金風入夜涼
四壁蛩吟增太息
何來好賦續歐陽

賀甯冠東由澧州別駕陞建德縣尹

甯鰲字冠
東見前

程鳴岐

見前

家聲故與九峯齊
况是文輝太乙藜
得意蛟龍能作雨
石城治績過荆溪

丁丑

是年爲乾隆
二十二年

清明日漫興三首

柳繼禋

見前

苑柳絲絲萃曉煙
更逢晴日鬧暄妍
隔牆紅綻千頭杏

爲報清明二月天

處處穠華照眼新
含情遙指可憐春
東皇最有無窮富
卸卻梅粧未是貧

無邊青塚伴黃茅
野奠傾壺盡一澆
爲問北邙山下客
可將殘醉謝春宵

玉洞道中

玉洞
見前

周鎔錦

見前

林木參差入望迷
暄風煦日嶺雲西
連峯不斷幽蹊轉
一路嵐光送馬蹏

甯陽縣志

卷之二十四

藝文
七絕

四十九

南隄卽目

周鎔錦

得得青驢莎徑輦
關關黃鳥柳煙鋪
如何翦取鶯溪絹
寫作南隄卽目圖

杏嶺遠眺

杏嶺
見前

周鎔錦

十里輕煙籠絳紗
千林樹色競芳華
不知縷縷紅雲外
春在山村第幾家

春暮望彩山

見山
川志

胡叔祥 見前

不須留意眇芳菲
落盡穠華鳥語稀
惟有多情山似舊
猶含秀色待儂歸

爵山四咏

自注此山得名有曰神爵集於上者有曰形如爵鳥者有曰形如酒爵者有曰

山頭似烏紗帽高爵者

甯 訥 見前

蓬島飛來一片雲
化為神爵耀繽紛
偶經此地旋颺去
山石都成五色文

一拳直與爵班班
岱岳峯頭指顧間
自是天翁工位置

甯陽縣志

卷之二十四

藝文七絕

五十

特教西向鳳凰山

儻得持之酌酒泉
醉時天半藉雲眠
醒來一笑捶黃鶴
不獨洪厓許拍肩

誰將烏帽置雲端
舉首凌雲拭目看
從此伸開摘星手
九重天上好彈冠

贈甯冠華赴禮闈

甯世基字冠華見文學傳

王穎灝

邑人見文學傳

二月鵬搏正好春
贈君無物媿家貧
多情最是緣隄柳
一路青青送遠人

還鄉二絕句

周百順

見前

歸來松菊幸猶存
剝啄間聽客到門
情話已闌人去後
更饒餘興課兒孫

山帶涼雲水帶沙
數株楊柳是吾家
荒村籬落秋容淡
一架西風扁豆花

柳枝辭

李太阿

見前

昨夜輕寒翦翦風
吹將綠意上簾櫳
今朝騎馬陽關道

甯陽縣志

卷之二十四

藝文
七絕

五十一

一路鶯聲細雨中

南村晚眺

甯

渤

邑人見
文學傳

荷笠村童人兩三
橫騎牛背過橋南
平原樹色矇矓合
十里長天接蔚藍

竹枝詞

黃恩霽

屋角山光門外溪
春來爭憶踏青時
山檀花滿櫻桃熟
日日城南颺酒旗

同年小集回寓追賦

黃恩壽

聯袂題襟記雅游
臘瓶倒盡總含愁
尊前莫遣瓊瓏唱
媿我年來漸白頭

鳳卜宗兄招集南園二首

鳳卜南園注併見前

東野崇階

泰安人道光乙酉舉人

豆架瓜棚蔭敞廬
旁人漫比子雲居
惟應濁酒牀頭設
鐙火三更讀漢書

春韭秋菘入品題
司農門巷日沈西
莫嫌緩步歸來晚

甯陽縣志

卷之二十四

藝文七絕

五十二

招引蟾光過小溪

東池晚眺

吳瀛洲

見前

七橋

自注戴村有七橋

三角

自注溪名

鎮相宜近岸人家總不知萬

點浮萍秋水闊
柳條紅到夕陽時

自杏山至亂石厓口占

杏山一名杏嶺亂石厓村名

吳瀛洲

閒雲送我夕陽邊
驢背尋詩懶著鞭
纔轉山頭身入畫

一村紅樹一村煙

城南卽景

周遠昌 見前

蘆根低護小籬笆
矮屋參差三兩家
記得斷橋無別路
釣舩撐過水蒨花

靈山尋僧不值 靈山見前

周遠昌

曲磴垂虹雨乍消
禪房半露隔山椒
到門僧錫飛何處
空踏松陰過石橋

沙隄小立

甯陽縣志

卷之二十四

藝文七絕

五十三

周遠昌

溪流曲抱小村西
繞岸垂楊綠未齊
半晌春陰新雨過
水禽三兩向人啼

曉行過白馬廟 村名見里社志

黃恩彤 見前

鱗鱗翠浪舞平疇
十里煙村擁畫樓
遙指家山眉黛好
菜花香裏到龔邱

冬月堽城屯早發 堽城屯見里社志

黃恩彤

生恨晨雞聒旅眠奚奴催我著先鞭輕霜殘月尋前句

自注道光庚子章邱早發有句云雪薄似霜映殘月輕輿搖夢過龍山 回首龍山漫九年

劉伶墓口占 劉伶墓見瑩墓志

黃恩彤

荷鍤薈騰醉夢餘未妨委蛻寄荒墟旁人道是劉梁墓

二傳云何有故閭

古溜水 見山川志

黃恩彤

一道清流赴汶川溜湖森森古城邊道元錯注原山派

甯陽縣志

卷之二十四

藝文七絕

五十四

父老猶傳飲馬泉

甯銘四少尹之官中州賦贈三截句 續增甯復箴字銘四見

五等貢錄

袁汝虔 字敬一滋陽人同治乙丑進士

書生桑梓作干城投筆嚴裝試一行不是折腰貪五斗

牛刀直欲掃欃槍 時河南流氛正熾

尸祝山桑有舊祠當年祖澤尙留貽 君太高祖刺史公治蒙城有惠政祀

名宦 家傳治譜分明在更傍棠陰憩一枝

經綸變化本無窮肯恃元龍氣若虹此去知君經宦海

韋弦緩急在胸中

甯陽縣志

卷之二十四

藝文
七絕

五十五

五言排律

魯義姑姊

注見前

王正容

見前

周道湮姬轍齊藩起霸圖兵威吞海岱殺氣捲萊蕪汶

水上舊譌

樓舡斷爵山鐵騎逾

樓舡鐵騎非春秋時所有

廟謨失勝算

魯甸奄

舊譌掩

長驅貔虎郊原合烽煙雞犬呼彼姑驚怖

怖兩稚泣呱呱迫逐倉皇去提攜草澤趨力窮難共濟

威懾更誰扶利害閒關際姪兒骨肉俱割恩甘棄子重

義念舊譌忍

全孤山鬼知呵護將軍問躑躅

舊作躑失韻

從容

甯陽縣志

卷之二十四

藝文五排

五十六

陳數語氣節動千夫駐馬嗟鄰婦旋旌指故都村孃

舊作

嫗失粘

猶禮教朝士定忠輸忿解仍

舊作復

修睦民安免被

戮舊作

屠邦君嘉令節褒詔

春秋魯君安得有此

下遐隅

舊作陬失韻

崇

徽舊作

號題宸翰元纁出內帑勒名劉向傳秩祀魯郊區

地迴松陰古年深香火須流風千載下猶足起貪愚

按此

詩殊不佳因舊志所登五言排律止此一篇故存之

家園牡丹盛開因成二十韻

黃恩霽

見前

閱盡繁華境天葩識洛陽滿庭滋露氣五采亞雲光時

節過寒食春陰送海棠亭宜環錦繡簾欲捲瀟湘紫蘂
移瓊島紅珠粲玉堂名原記康樂宅欲問平章蠟蒂新
封李雕欄舊賜楊何年曾作客此處足稱王閣外金英
綻池邊玉蜨忙著餘空際色染盡夜來香淡暈三分碧
濃開一品黃胭痕經雨足醉態怯風狂露湛檀心潤煙
籠翠纈長雅宜才子筆漫比美人粧車馬長衢溢笙歌
翠幄張癡情憐久別冷眼看何妨中酒知誰醒懷憂得
自忘不須憎富貴應共襲芬芳松竹橫窗瘦莓苔繞徑
蒼登樓多感慨更爲進霞觴

甯陽縣志

卷之二十四

藝文
五排

五十七

冬日遊北莊歸途卽景

丁林紫

乾隆間
邑人

拗折山前徑微茫月裏蟾天空時曠想地僻幾遐瞻柳
綫蒼猶軟松釵老更尖馬蹏穿石竇人影萃茅檐隔磴
鳴樵斧鄰邨露酒帘忽然雲漠漠或者雨纖纖暮笛銷
魂弄寒煤著手拈故人如待我免使賦秋蒹

上石琴中丞六十韻

黃恩彤別字
石琴見前

丁秉賢

大興副貢廣
東候補知縣

維嶽生申甫巍巍毓棟梁千秋溯江夏一脈出甯陽汶

水依仁里尼山近故鄉傳家書滿架望族笏盈牀學本
窮經笥人還飽智囊文章高兩漢詩律邁初唐泮水芹
先采燕山桂早香名登千佛錄詠和衆仙裳東閣傳衣
鉢西曹立紀綱四難詳棘木五禁慎桁楊累驛銀牌使
羣材玉尺量錦袍皆杞梓珊網集鸞鳳考績超同列
書屏紀對颺鳩班承

裏別金閭

簡畀豸服飭勳章帶交推重輶軒任可當樽前歌石闕花

鳳詔三秋奉鵬圖萬里翔法成期克允刑當自稱祥開網心

甯陽縣志

卷之二十四

藝文
五排

五十八

維謹攀轅德莫忘園扉春見草貫索夜收芒炎徼旋移
節嚴程徑趣裝得天原獨厚遷地亦能良

帝謂堪分陝天教治此疆載賡郇伯黍勿翦召公棠大任真
盤錯雄才獨保障片言除害馬一角表神羊共幸持籌
穩何勞借箸忙心機謀久畫胸鏡患先防卽日藏車甲
占風效筐筐威嚴銷蔽翳坐鎮懾猖狂事葢臣何力民

安

帝所臧邊隅完鎖鑰溟解靖欖槍神德終呵護
宸衷賴贊襄勳猷書竹帛政績載旂常麟閣功難朽

螭庭典倍償金魚增絢爛翠羽更輝煌正值軍書罷頻將治
譜商野無虬吠警民鮮雁噉傷德化欽雲靄時和洽雨
暘

九重頒節鉞五嶺倚金湯滌篆新開府連珠正集房

國家資柱石人品重圭璋鯉對曾三復鶯遷在一方威名馳
象郡丰采照狼隲六纛兼文武雙旌孰頡頏公侯調鼎
鼎菴祿協鴛鴦雅什歌維翰箕疇衍曰康傳心知似水
翹首頌如岡花誥

綸音錫萊衣綵舞長象賢多濟美積善有餘慶棣萼盈庭茂

甯陽縣志

卷之二十四

藝文
五排

五十九

蘭枝繞砌芳鴻猷真未艾燕濟篤維桑下吏同蒲質卑
棲託荔坊束躬隨鷺序濡翼懷鴛行未試中牟宰欣登
大雅堂雙丁邀目賞萬甲羨胸藏鼎力栽培久箴言訓
誨詳仁風恆覆被惠澤倍汪洋感德銘心版陳詞媿面
牆棘林螢耀在永仰福星光

夏日偕張茂才

西屏

游山菴和曹明經

勳閣

作續
增

周澇棫

字樸園見
五等貢錄

快踐游山約賓朋共此情浮生閒半日溽暑避三庚螺
湛峯峯黛蟬交樹樹聲笑談行復止景色雨兼晴徑曲

珠穿蟻泉飛石吼鯨龍潭消夏氣鳳嶺抱荒城席地幽
懷暢空門俗慮輕柳州應續記蓮社共逃名角酒無堅
壘論詩有勝兵悠然餘興盍俄爾夕陽橫縷縷霞猶散
輝輝月漸明掃苔題五字新句愧蘭成

藝文十

詩餘

沁園春

落花 續增
生

黃恩彤

見前

試種花生地揀鬆沙兼帶墳墟漸鱗鱗翠甲朝開暮合
棉棉碧蔓斜界平鋪淺可藏蛇深難沒鶴巾野輪困入
望殊須芟草趁昨宵好雨鴨背頻鋤 莫愁結果全無
偏暗裏生根得氣腴看黃傾金朵飄零委露白凝玉顆
絡索聯珠胚孕土香蒂連藤細卻似琅玕滿腹儲霜寒
也好殷勤篩取鐵網仍疏

甯陽縣志

卷之二十四

藝文
詩餘

六十一

沁園春

杞柳

黃恩彤

菀彼柳斯遙睇依依不似垂楊看綠煙匝而叢生隴畔
青雲掩靄環遶渠旁比竹乏筋方蘆饒骨直上亭亭五
尺強生機富任頻年輪轉夏刈春芳 須知舊產東邦
溯孟告諄諄辨性詳好留良去穢薶鋤莫厭芟繁取正
攀折無妨順作柘棧藉編栲栳易事通功計亦臧爭擔
賣喜白勻合格

貨柳以白
勻為貴

赤仄填囊

水調歌頭 薑

黃恩彤

此地乏薑產，困運待江南。宣尼不徹，當年誰致杏壇邊。
惟有文林博物，善讀魯論章句，預卜地能遷。踰淮殊橘，
化學種漸連阡。
吾鄉種薑始自贈文林郎齊太學樂亭有傳見篤行 護蒼籬排翠
箭，孕黃團。風暄露潤，轆轤不放碧畦乾。遮莫柔尖紅暈，
酷似勻粧，纔罷微露指，纖纖老來滋味，癖怕惹萬人嫌。

水調歌頭 甘藷

黃恩彤

甯陽縣志

卷之二十四

藝文詩餘

六十一

甘藷實番薯，野叟盡垂涎。新蒸脫釜，醱醱香味妙能兼。
初自南洋呂宋，洊至甌閩，吳越廣蒔，到東山青編元扈。
紀十二勝喧傳。
元扈先生有甘藷十勝之說見農書 破黃壚抽碧穎

劇芳鮮附根磊砢，還如圭璧種藍田。漫道芋魁斗大，誤
認蹲鴟肥芋。
吾鄉例呼番薯為芋亦如誤認蹲鴟為羊 玉糝記坡仙。
東坡玉糝羹似

卽以番薯為之時方謫居海外宜有此薯也 無蜂能釀蜜。
蒸薯新熟有自然蜜汁 萍實

許分甜

前志後序

壬子之夏余偕同志諸君子修縣志脫稟將以質諸當事商推授梓客有問於余者曰子之爲此志也因乎創乎余曰非創也因也曰胡爲取舊志而刪之併之增之更之若是其多也曰非刪也節其冗也非併也整其亂也非增也補其缺也非更也潤其瘠也曰然則編次先後之序亦有說乎曰有始之以疆域何也曰此通例也王者建邦設都必有疆域以限之所以申畫郊圻慎固封守然後築城鑿池張官置吏以齊一其政令而撫輯其人民三代之封建秦漢以降之郡縣九區之大一邑之小無二制也故志乘必首列焉今以

皇朝之輿圖爲準歷代之沿革次之尊周內魯春秋之法也繼之以星野山川何也曰疆域分矣則必仰觀於天而睇審躔度之位俯察於地而坐覽流峙之形是皆統於疆域者也繼之以官師何也曰辨星野奠山川土宇啟而式廓增是必有以治之有治人始有治法作之君作之師以養以教蓋兼資焉而安不忘危則武備亦未可忽也繼之以建置何也曰非君子莫治野人未可與民

並耕而錯處也設險以固圍則有城池居高以臨下則有衙署於是公令所重則有典式緩急所需則有儲積以濟貧乏則有振卹以便行旅則有館舍橋梁以重河防則有隄堰蓋必如是始克保其疆域故官師每措意焉繼之以里社而先乎秩祀何也曰諸大夫之爲此皇皇者凡以爲民也民神之主也古聖王先成民而後致力於神縣者民之所繫籍也里社者民之所散處也集市者民之所競趨也社倉社學自古便民之政而利與弊均者也與其利祛其弊安輯之俾無擾鼓舞之俾無

倦是以民和而神降之福春秋有報焉水旱有祈焉備其物肅其儀黍稷匪馨明德惟馨無虐民自無慢神也繼之以物產何也曰是里社之所力作而致焉者也大利必歸農物土以布利非上之人所能代謀而惠而不費固有因民之政焉繼之以風俗何也曰與物產相表裏者也沃土易淫瘠土易勤富歲多賴凶歲多暴物產之豐耗動關風俗之盛衰焉明其政不易其俗齊其教不易其宜君子所爲入國而問也繼之以田賦何也曰物產旣饒風俗漸淳而後其民可賦也惟正之供斂從

其薄必有輸將恐後者不必云撫字心勞催科政拙也繼之以學校何也曰富而教也倉廩實知禮節況值昭代昌明之運居東魯文獻之邦洙泗餘芬沾漑百世丹青所染易比轉圜要不可無以誘掖而董正之也繼之以選舉何也曰學校之效也庠序盛而教化行教化行而賢才出非徒掇科第拾青紫而已蓋將不負所學備國家一日之用前型具在可按冊而稽也繼之以古蹟何也曰一縣之政自畫界分疆以至於明倫崇學一縣之人自里居社會以進於通籍登朝夫亦可以無餘事矣

曰古蹟曰金石曰寺觀曰坊表曰瑩墓皆陳迹也然而殘文賸字或珍重而摩挲斷碣荒原每歔歔而憑弔此亦好古者所難忘而載筆者所必及也終之以灾祥何也曰謹天戒以驗人事之得失也祥僅虛美而灾爲實禍故君子重灾不重祥大易垂象吉一而凶悔吝三春秋二百四十年遇變必書今亦猶此志也列傳之宦績先於人物何也曰分也縣之官至典史止矣其官猶是也縣之民豈無位卿相者其民猶是也不以人物先宦績者民不先官也然則編輯藝文亦有體例乎曰首

天章次奏牘崇鉅製也文次之賦次之詩又次之文與詩各
以體分同體者則以年代先後爲序此其例也客唯而
退爰錄其語於簡末邑人黃恩彤譔

跋

憶余於咸豐初曾偕同志重修縣志書已刊行板燬於火茲邑侯翼城高公亟謀增修仍委以編纂之事自慙年耄善忘文藻彫落徒以桑梓文獻未敢固辭幸賴諸君子之力補遺糾謬始克成書竊維吾邑之志自康熙以來踵修四次垂二百年今距上屆僅三十年耳烏用是亟亟爲不知曩志之二百年皆承平無事之日也今志之三十年自庚申迄丁卯則皆軍興多事之日也此八年中事之有關得失者衆矣其大者則官之修城浚

池民之連村築堡而已知後此城池之足恃則知前此置城弗修之失策也吾是以錄兩次修城之案而附論以明其效知後此村堡之足恃則知前此挈家避寇之非計也吾是以別立村堡專門而錄拙作築堡捍寇記於藝文以例其他團練亦白徒野戰耳而比閭同仇足覘民氣之固焉吾是以更立團練專門備錄兩次簡明條約以存其槩功牌僅空名告身耳而行營捐助足見民心之忠焉吾是以彙錄軍功姓名而摘敘給牌原案以著其由至於忠義之士遇難殉節或激於慷慨或迫

於倉卒

國家一皆優加褒卹以振士氣而正人心則尤當亟錄於冊用昭曠典者吾是以分案詳書而於官錄龔少尉於紳錄劉別駕父子并傳略列入藝文以資觀感是皆未可以久近論緩急也其餘修改各條及續增人物各傳則附入前志各門中仍沿原書體例云殺青既竟爰撮其大意跋諸卷尾時光緒五年己卯五月吉日石琴黃恩彤時年七十有九